



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br: 12/03, 34/03 i 65/13), člana 38. Statuta Grada Sarajeva (Službene novine Kantona Sarajevo" broj 34/08 - prečišćeni tekst) i člana 9. Odluke o osnivanju Javne ustanove "Muzej savremene umjetnosti ARS AEVI Sarajevo" (Službene novine Kantona Sarajevo" broj 49/17), tačke II Odluke o standardima i kriterijima za imenovanje na na poziciju predsjednika i članova upravnog i nadzornog odbora Javne ustanove "Muzej savremene umjetnosti ARS AEVI Sarajevo" ("Službene novine Kantona Sarajevo" broj 30/08) i člana 32. Pravila Javne ustanove „Muzej savremene umjetnosti ARS AEVI Sarajevo“ broj 01/04-05-3827-5/18 od 18.07.2018. godine, gradonačelnik raspisuje:

JAVNI OGLAS
za izbor i imenovanje članova Nadzornog odbora
Javne ustanove „Muzej savremene umjetnosti ARS AEVI Sarajevo“

Oglašava se upražnjena pozicija u Javnoj ustanovi „Muzej savremene umjetnosti ARS AEVI Sarajevo“ (u daljem tekstu: Muzej):

I Nadzorni odbor od tri člana od čega je jedan član iz reda uposlenika Grada Sarajeva (osnivača) i jedan član iz reda uposlenika Muzeja.

II Nadzorni odbor vrši slijedeće poslove:

Nadzire poslovanje Javne ustanove, usvaja poslovne strategije ustanove i planove poslovanja; razmatra provedbeni propis za postupak nabavke i nadzire njegovo provođenje; nadzire rad uprave, te odobrava odluke strateškog karaktera; usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha; podnosi Osnivaču godišnji izvještaj o poslovanju ustanove, bira predsjednika nadzornog odbora; predlaže raspodjelu i način upotrebe dobiti i način pokrivanja gubitka; obrazuje povremene komisije i utvrđuje njihov sastav i zadatke; vrši i druge poslove predviđene zakonom.

Naknada za rad u Upravnom odboru će se utvrditi ugovorom o radu, a u skladu sa Odlukom gradonačelnika.

III Opšti uslovi koje kandidat treba da ispunjava:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije,
- da se na njega ne odnosi član IX 1. Ustava Bosne i Hercegovine – da nisu pod optužnicom Međunarodnog suda za ratne zločine u bivšoj Jugoslaviji,



- da nije osuđivan za krivično djelo i za privredni prestup nespojiv sa dužnošći u upravnom i nadzornom odboru javne ustanove i da se protiv njega ne vodi krivični postupak,
- da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine (“Službene novine Federacije BiH” broj 70/08)
- da nije na funkciji u političkoj stranci.

IV Posebni uslovi koje kandidat treba da ispunjava:

- visoka stručna sprema ekonomskog ili pravnog smijera ili iz oblasti kulture i umjetnosti,
- najmanje pet (5) godina radnog staža sa visokom stručnom spremom,
- da nema privatni finansijski interes u javnoj ustanovi
- da nije direktor druge javne ustanove bez obzira ko je osnivač javne ustanove.
- da nije član više od jednog upravnog ili nadzornog odbora bez obzira ko je osnivač javne ustanove

V Mandat

Predsjednik i članovi Nadzornog odbora imenuju se istovremeno na period od 4 (četiri) godine,.

Predsjednik i članovi Nadzornog odbora zaključuju ugovor sa Muzejom na osnovu odluke Gradonačelnika. Ugovor u ime Muzeja potpisuje direktor.

Kandidati s kojima se ne stupi u kontakt u roku od 8 (osam) dana od dana isteka roka za podnošenje prijave neće se uzeti u obzir u razmatranje u daljem procesu kandidovanja.

VI Prilikom procjene kvalifikacija i iskustva u obzir će se uzeti i slijedeći kriteriji:

- rezultati ostvareni u dosadašnjem radu,
- radno iskustvo u oblasti umjetnosti, kulture i obrazovanja,
- znanje i sposobnost razumjevanja poslovnih izvještaja,
- znanje zakonodavstva na području djelovanja nadzornog odbora,
- sposobnost upravljanja finansijskim i ljudskim resursima,
- sposobnost za savjesno, odlučno, odgovorno i profesionalno obavljanje poslova,
- izražena individualnost, inicijativnost, nezavisnost u radu i donošenju odluka,
- komunikativne i organizatorske sposobnosti,
- naklonjenost timskom radu.

VII Kandidati su dužni, uz prijavu, koja sadrži biografiju s kratkim i preciznim pregledom profesionalnih aktivnosti i radnog iskustva, te adresu i broj kontakt telefona, priložiti originalne dokumente ili ovjerene kopije dokumenata i to:

- uvjerenje o državljanstvu BiH;
- izvod iz matične knjige rođenih,
- diploma o stečenoj školskoj spremi;
- uvjerenje ili potvrda o radnom stažu;
- ovjerena izjava kandidata o ispunjavanju općih i posebnih uvijeta,
- ljekarsko uvjerenje nadležne zdravstvene ustanove o opštoj zdravstvenoj sposobnosti koje nije starije od 6 (šest) mjeseci – dostavlja se lično nakon utvrđivanja liste kandidata koji zadovoljavaju uslove
- preporuke

Svi kandidati koji budu stavljeni na listu užeg izbora bit će pozvani na intervju pred Komisijom za izbor nakon čega će Komisija putem pismene preporuke predložiti rang-listu sa najboljim kandidatima.

Bilo koji kandidat ili bilo koja druga osoba ima pravo podnijeti prigovor na konačno imenovanje ako vjeruje da se u procesu imenovanja nisu ispoštovali principi utvrđeni zakonom.

Prigovor se podnosi Gradonačelniku, a kopija se dostavlja ombudsmenu za ljudska prava Federacije BiH.

Oglas će biti objavljen u „Službenim novinama Federacije BiH“, web stranici Grada Sarajeva i Dnevnom listu „Oslobođenje“ i ostaje otvoren 15 dana od dana posljednjeg objavljivanja.

Prijave sa potrebnom dokumentacijom u zatvorenoj koverti dostaviti lično ili putem pošte na adresu:

**ul. Hamdije Kreševljakovića broj 3, 71000 Sarajevo,
s naznakom
„Prijava na Javni oglas - ne otvaraj“
za „Komisiju za izbor i imenovanje članova Nadzornog odbora
Javne ustanove „Muzej savremene umjetnosti ARS AEFI Sarajevo“**

Gradonačelnik

mr. Abdulah Skaka

Broj: 01/04-34-5502/19
Sarajevo; 15.08.2019. godine